

Sin la refusa dad ecopop suonda «l’iniziativa da stritgar»


La discussiun davart immigraziun cuntinua

■ **(anr/vi) Il pievel na vul savair nagut d’ina limitaziun anc pli severa da l’immigraziun. Ier han ils votants exprimì ina refusa massiva da l’iniziativa ecopop. Damaun lantscha in comité a Berna gia la proxima iniziativa.** I saja stà ina lutga sco tranter David e Goliat, ha ditg ier *Andreas Thommen*, manader da gestiun dad ecopop. Tuttas partidas hajan battì cunter l’iniziativa. Cun quest «na» haja il pievel manchentà da midar ils binaris a favur da l’avegnir da la Svizra.

Suenter la refusa massiva resta la tematica sin l’agenda politica: Damaun

preschentan ins a Berna «l’iniziativa da stritgar». Quella duai puspè bandischar ord la constituziun l’artitgel ch’il suveran svizzer ha acceptà ils 9 da favrer cun l’iniziativa cunter l’immigraziun da massa.

Per questa nova iniziativa s’engaschan ils professers da dretg *Andreas Auer* e *Thomas Geiser*. Il comité vegn furmà da commembers da l’uniun «Raus aus der Sackgasse». Plirs politichers han avertì ier che questa nova iniziativa pudess esser contraproduttiva. En cas d’ina refusa purtass ella support a la pps e rendess las tractativas cun l’UE anc pli difficilas.



Il pievel na vul savair nagut d’ina limitaziun anc pli severa da l’immigraziun.